

中國五千年秘史大觀
(六)

中國五十年秘史
六觀

中華民國九年十月初版

中國五千年秘史（全六冊）

定價大洋四元
附贈滑稽小說二冊



編輯者 古越周天鵬

發行者 古史編輯局

印刷者 古史編輯局

總發行所 上海古史編輯局

中國五千年秘史大觀卷十八目錄

近世史 元紀

- ▲趙妻殉難
- ▲虎臣過妾舟
- ▲拘子與妾
- ▲殺男女煎膏取油
- ▲太皇太后降元封夫人
- ▲楊太妃登舟
- ▲陸秀夫驅妻子入海
- ▲元宏吉刺后
- ▲囚后奏事
- ▲楊璉真加愛美女
- ▲太后臨幸五臺
- ▲元帝殺后
- ▲妃嬪是好
- ▲贖飢民所鬻子女
- ▲罷元夕張燈禁中
- ▲伯顏弑皇后伯牙吾氏
- ▲男女裸處
- ▲羣僧出入禁中
- ▲榷腰立玉女
- ▲宮女十六人按舞名十六天魔

▲友諒挈妻子夜奔

▲鏤金牀

▲張士誠治宮室

▲嬪妃騎鹿馬

▲帝后及太子繫毛線

▲鬥巧宴

▲元宮飲膳品

▲元妃誕日受賀

▲五雲車

▲元祖肇建內殿

▲探芳徑 逍遙市

▲賢德媳婦

▲后毀佛像

▲順宗后濁亂朝政

▲月宮仙子

▲麗嬪製裘履

▲龍瑞嬌殘忍

▲身妊移居

▲后妃有疾移居

▲后拒臨幸

▲皇后愛幸閹宦

▲凝香兒

▲男女死者相枕藉

▲玉觀音 瑟瑟 美珠

中國五千年秘史大觀卷十八

近世史 元紀

●趙妻殉難

易知錄。元陷池州。趙昂發知事不濟。乃置酒會親友與訣。謂妻雍氏曰。城將破。吾守臣不當去。汝先出走。雍曰。君爲忠臣。我獨不能爲忠臣婦乎。昂發笑曰。此豈婦人女子所能也。雍曰。吾請先君死。昂發笑止之。明日乃散其家資。與弟姪僕婢悉遣之。元兵薄城。昂發晨起。書几上曰。國不可背。城不可降。夫婦同死。節義成雙。遂與雍氏同縊死於從容堂。

●虎臣過妾舟

同上。阿朮與虎臣對陣。虎臣前鋒姜才方接戰。虎臣遽過其妾所乘舟。臨陣不忘妾猶項羽不忘虞姬也衆見之謹諱曰。步師遁矣。軍遂亂。

●拘子與妾

同上。鄭虎臣於漳州木綿庵獲賈似道。曰：吾爲天下殺似道，雖死何恨。遂拘其子與妾於別院，卽廁上拉其胸殺之。

●殺男女煎膏取油

元史：伯顏至常州，會兵圍城。劉師勇等固守，伯顏招諭不聽，乃命降人役城外居民，運土爲壘，土至，併人以築之。且殺男女煎膏取油以作炮，焚其牌，日夜攻不息。

●太皇太后降元封夫人

同上。元人以太皇太后謝氏以病久留臨安，乃自宮人舁其床以出，侍衛七十八，遂赴燕降，封壽春郡夫人。

●楊太妃登舟

同上。北兵既逼，陳宜中、張世傑備海舟，奉帝及衛王、楊太妃等登舟。時軍十

七萬人。民兵三十萬人。淮兵萬人。與北舟相遇。值天霧晦冥不辨。舟得以進。

●陸秀夫驅妻子入海

同上。陸秀夫先驅妻子入海。卽負帝同溺。後宮諸臣。從死者甚衆。餘舟尙八百。盡爲元宏範所得。越七日。屍浮海上者十餘萬人。因得帝屍。及詔書之寶。

●元宏吉刺后

元史。后性明敏。達於事機。國家初政。左右匡正。與有力焉。宋亡。幼主入朝。后不樂。帝曰。江南平。自此不用兵甲。人皆喜之。爾何獨不樂。后曰。自古無千歲之國。毋使吾母子及見此。則幸矣。帝元以宋府庫物置殿廷。召后視之。后一視而反。帝問后何欲。后曰。宋人貯蓄以貽子孫。子孫不能守。而歸於我。我又何忍取之耶。宋太后全氏至京。不習風土。后屢奏乞令回江南。帝不允。后退亦厚待之。

●因后奏事

同上。元世祖立宏吉刺氏為皇后。後因春秋高。后預朝政。相臣常不得見帝。輒因后以奏事焉。

●楊璉真加愛美女

同上。楊璉真加發宋陵。見上攘取金寶珠玉無算。又愛美女寶物之獻。藏匿未露者尤多。坐侵盜官物。遣使逮問。追治之。籍其妻孥田畝。

●太后臨幸五臺

同上。御史李元禮上疏言五臺創建寺宇。工役俱興。供億煩重。民不聊生。伏聞太后臨幸五臺。有不可者五。一騎從踐木二山川之險三舉動非法四勞民傷財五使天子曠定省之禮

●元帝殺后

同上。夏五月。懷寧王海山至上都。即元武宗廢皇后伯岳吾氏。居東安。殺之。

●妃嬪是好

同上。阿沙不花見帝顏色日悴。乘閒進曰。陛下八珍之味不知御。萬金之身

不知愛。而惟麴蘖是耽。妃嬪是好。是猶兩斧伐孤樹。未有不顛仆者。陛下縱不自愛。獨不思祖宗付托之重。天下仰望之切乎。

●贖飢民所鬻子女

同上。鞏昌地震。歸德暴風。濟寧泰安真定大水。民居蕩析。江浙飢荒之餘。疫癘大作。死者相枕藉。父鬻其子。夫離其妻。哭聲震野。後詔有司贖飢民所鬻子女。

●罷元夕張燈禁中

同上。英宗欲以元夕張燈。禁中中宮爲熬山。張養浩諫曰。世祖臨御三十餘年。每值元宵。閭閻之間。燈火亦禁。況闕廷宮掖之嚴邃。尤當戒愼。今燈山之構。所玩者小。所繫者大。所樂者淺。所患者深。帝大怒。旣而喜。賜幣以旌其直。

●伯顏弑皇后伯牙吾氏

同上。唐其勢事敗被擒。攀折殿檻不肯出。塔刺海其勢弟也走匿皇后座下。后蔽

之以衣。左右曳出斬之。血濺后衣。伯顏奏并執后。后呼帝曰。陛下救我。帝曰。汝兄弟爲逆。豈能相救。乃遷出宮。伯顏尋殺之於開平民舍。

●男女裸處

同上。僧教帝元順行房中運氣之術。號演揲兒法。又進僧伽璘真善秘密法。帝皆習之。詔以西番僧爲司徒。伽璘真爲大元國師。各取良家女三四人奉之。謂之供養。又嘗謂帝曰。陛下富有四海。不過保有現世而已。人生能幾何。當受此秘密大喜樂禪定。於是帝日從事於其法。廣取女子。惟淫戲是樂。帝諸弟八郎者與哈麻妹婿秃魯帖木兒及老的沙等十人號倚納。皆有寵。在帝前相與褻狎。甚至男女裸處。號所處室曰皆卽兀該。猶華言事事無礙也。

●羣僧出入禁中

連上君臣宣淫。而羣僧出入禁中。無所禁止。醜穢外聞。皇太子既長。深疾二僧等所爲。欲去之。未能也。

● 匱腰立玉女匱同

同上。順帝製龍舟於內苑。式長一百二十尺。廣二十丈。用水手二十四人。皆衣金紫。自後宮至前宮。山下海子內。往來游戲。行時龍首眼口爪尾皆動。又自製宮漏。高六七尺。廣半之。造木爲匱。藏壺於中。運水上下。匱上設三聖殿。匱腰立玉女。俸時刻繹時。至輒浮水而上。左右二金甲神。一懸鐘。一懸鈺。鈴也。夜則神人自能按更而擊。無分毫差。鳴鐘鈺時。獅鳳在側者。皆自翔舞。匱之東西。有日月宮。飛仙六人。立宮前。遇子午時。自能耦進渡仙橋。達三聖殿。復退立如前。其精巧絕出人意。皆前所未有。

● 宮女十六人按舞名十六天魔

連上帝既息政治。惟事游宴。以宮女十六人。按舞名十六天魔。又十一人。奏龍笛。頭管。小鼓。箏。篋。琵琶。胡琴。響板。拍板。每宮中讚佛。則按舞奏樂。宦官非受祕戒者不得與。

●友諒挈妻子夜奔

同上。太祖克安慶。長驅至江州。分舟師爲兩翼。夾攻友諒。大破之。友諒挈妻子夜奔武昌。

●鏤金牀

同上。江西行省。以陳友諒鏤金牀進。太祖觀之。謂侍臣曰。此與孟昶七寶溺器何異。以一牀工巧若此。其餘可知。陳氏父子窮奢極靡。焉得不亡。

●嬪妃騎鹿馬

元氏掖庭記。元內園池中置玉狻猊。白晶鹿。紅石馬等物。嬪妃浴澡之餘。則騎以爲戲。

●帝后及太子繫毛線

元史祭祀志。國俗舊禮。每歲十二月十六日以後。選日用白黑羊毛爲線。帝后及太子自頂至手足。皆用羊毛線纏繫之。坐於寢殿。蒙古巫覡念呪語。奉

銀槽貯火。置米糠於其中。沃以酥油。以其煙薰帝之身。斷所繫毛線。納諸槽內。又以紅帛長數寸。帝手裂碎之。唾之者三。併投火中。既解所服衣帽。付巫覡。謂之脫舊災。

●鬪巧宴

同上。至大中。洪妃寵於後宮。七夕諸嬪妃不得登臺。臺上結綵爲樓。洪妃獨與宮官數人升焉。剪綵散臺下。令宮嬪拾之。以色豔淡爲勝負。次日設宴大會。謂之鬪巧宴。負巧者罰一席。

●元宮飲膳品

同上。酒有翠海飲、露囊飲、瓊華汁、玉團春、石涼春、葡萄春、鳳子腦、薔薇露、綠膏漿、酪有杏花酸、脆棗酸、潤腸酸、苦蘇漿、鹽有水晶鹽、蒼霜鹽、五色鹽。醬有蟻子醬、鶴頂醬、提蘇醬。油有蘇合油、片腦油、膻臍油。宮中以玉板筭及白兔胎作羹。極佳。名換舌羹。玉版筭吉州土產

●元妃誕日受賀

同上。靜懿皇后誕日。六宮嬪妃以次獻慶禮。時南朝宮人亦有選入後庭者。亦獻珍奇。一人獻寒光水玉魚。一人獻青芝雙虬如意。一人獻柳金簡翠腕闌。似今之手鐲類也。彼按魚是楊太真潤肺物。如意是六朝宮人遺物。闌是建業景陽宮胭脂井物。疑是麗華所墜。后不悅。

●五雲車

同上。宮中制五雲車。車有五箱。以火樹爲檻式。烏稜爲輪轆。頂懸明珠。左張翠羽。蓋曳金鈴。結青錦爲層雲覆頂。旁建青龍旗。列磨鐔雕銀戟五。右張白鳩緝毳。蓋曳玉鈴。結素錦爲層雲覆頂。旁建白虎旗。列豹絨連珠槍五。前張紅猴毛氈。蓋曳木鈴。結赤錦爲重雲覆頂。前建朱雀旗。列線鋒火金戈五。後張黑兔團毫。蓋曳竹鈴。結墨錦爲層雲覆頂。後建玄武旗。列畫千五。中張雕羽曲柄。蓋曳石鈴。結黃錦爲層雲覆頂。建勾陳旗。中箱爲帝座。外四箱爲妃

嬾坐。每晦夜游幸苑中。御此以行。不用燈燭。陳剛中雲車夜遊詩云。金根雲蓋。輅移玉露花。不墜瑤草綠。明珠照乘秋月懸。天風吹下簫韶曲。萬年枝上清光滿。八鸞導引雙龍管。夜深如畫翠華來。三十六宮碧雲煖。

●元祖建內殿

制度精巧。雕刻螭形。以檀香爲之。螭頭向外。口中銜珠。下垂珠皆五色。用綵金絲貫串。負柱融滾。霞紗爲貌。怒目張牙。有欲動之狀。瓦滑琉璃。與天一色。朱砂塗壁。紅重胭脂。彤柱華稅。金桷雕椽。務窮一時之麗。殿上設水精簾。階琢龜文。繞以曲檻。檻與階皆白玉爲之。太陽東升。殿中燦爛。階更飛輝。古謂天子有金殿玉墀。名不虛也。又有紫檀殿。以紫檀香木爲之。光天玉德。七寶搖光。通雲凝翠。廣寒等殿。不可一一數也。又有德壽宮。興聖宮。翠華宮。擇勝宮。連天樓。紅鸞殿。入管殿。五花殿。（亦名五華）殿東設吐霓餅。曰玉華。殿西設七星雲板。曰金華。殿南設火齊屏風。曰珠華。殿北設百藥龍脈。曰木華。

中央木蓮花紫香琪座千鈞案九朶雲蓋共爲五華。又有迎涼之所曰清林閣。四面植喬松修竹南風徐來林葉自鳴。遠勝絲竹。旁立二亭。東名松聲。西名竹風。又有溫室曰春熙堂。以椒塗壁。被之文繡。香桂爲柱。設烏骨屏風。鴻羽帳。規地以麩賓氈毼。又有眺遠閣。留連館。萬年宮。並在禁苑。又有龍泉井。瑪瑙石爲井牀。雨花臺石爲井湫。香檀爲蓋。離朱錦爲索。雲母石爲汲餅。又有集賢臺。凡遠夷貢獻上古所遺器物皆貯之。又有夜光亭。中置夜光珠一顆。晦夜燦若白晝。光燭數十步外。

●探芳徑 逍遙市

同上。徑中十步一亭。皆松柏竹樹爲之。苑中每一花開。摠置亭下。以備觀玩。徑旁爲逍遙市。市上鋪陳九州四方珍異。揭錦爲招。又立庖人烹鮮飪香。以供倦遊之飲。